

城池

守國之道設險爲先縣附郡郭歷古有城河山
礪恃以無恐但先後建築不一修繕尤爲要務雖
曰在德不在險亦實以固吾圉云

漢高帝五年大將軍灌嬰定豫章郡六年令天下郡
邑皆築城袁之有城或叻諸此按古圖經隋大業末
蕭銑陷城唐武德四年九月安撫使李大亮建築郡
城高二丈周回四百八十四步東南西南開壕濶七

宏春縣志

卷之十一 城池

一

丈北以江爲壕城外甃內土白露屋皆覆以瓦至長
壽二年刺史魏元表遷州治出城東北二百步開元
八年刺史房瑄以城基卑濕欲遷州治於江北袁山
之南建築城壘廉使慮其勤民俾仍舊遂展故城直
南二百餘步更諸爽塏剏立廨宇昭宗乾寧二年刺
史揭鎮築羅城一千五百餘丈又增築外城濬治壕
塹其後司空彭彥章展東南面城通舊計一千二百
七十二間僞吳乾正一年頓金知州事又於四郭城
門外置鋪柵羅城者以備守禦太和五年韋建又



築開羅城二百餘丈。城下修築後劉仁瞻修東
南面子城悉用磚石。木大中祥符間修袁州圖經云
城周圍七里二十步高三丈八尺。子城周圍一里一
百二十步高三丈七尺。北枕秀江。三面壕深四丈。建
炎初升郡爲次要城。池樓櫓務合堅險。仍給牒許勸
有力者入貲以助。知州事汪希旦治中間丘冪草舊
城一新之。城基周三千三百一十五步。高增置二丈。
女牆三千五百。敵樓戰柵五十。總六百五十間。阮閱
記開禧間知州事羅克開復。增治張嗣古記其後。知
州事鄭自誠。李觀民。方岳皆嘗繕修。元仍宋舊。至正
壬辰末爲天完將歐祥所據。壬寅始納款於明。洪武
四年知府劉伯起增修城堞。浚壕立柵。剏四門。城樓
門外增修月城。覆以串房。間以箭樓。天順七年水溢
城圯。知府劉懋同指揮石旻邵琦等繕修。弘治六年
南門壞。知府王俊重修正德七年東西二門。月城圯
知府姚汀重修正憲九年城西門樓屋俱壞。知府徐
璉增修城串樓一千七百餘間。各置柵欄。堦口四千
餘個。又置板塔坊。正德十五年城

東北隅傾圮知府孫和重修孫編修嚴嵩記嘉靖中知府范欽劉廷誥袁襲表以修治申樓爲費不貲且非城制先後請於上官乃撤去申樓甃馬道以甃編修張春記歲久又圮萬曆中知府鄭惇典遍加修葺增高雉梁重新城樓嚴兵曉夜添設四兵馬司萬曆己未北門外東西月城并水耳門傾圮知府黃鳴喬重砌河岸上造城垣圍門等屋左右月城屹然改觀崇禎庚午辛未知府田有年因永新冠警增修城垣丁丑冬臨藍流賊數千自楚潰萍乘勝東下知府解經

宜春縣志

卷之十一 城池

三

達推官陳瓚先期告急時督撫解學龍檄守道郭必昌巡道王庭梅各以臨吉兵會自督兵三千人爲之後未至賊已抵城下掠附郭數十里鄉紳袁業泗潘士聞等登陴拒守者半月謀獲賊內應趙大春等新之城上翌日省兵至因塘撿失悞遽深入屢爲賊所西北兩門雲梯並進城中多方堵禦而萍令程之欽以失城乞師於楚得辰兵五千人來援城始獲全癸赤秋獻賊陷長沙萬載天井窩有奸民丘仰寰盧南陽等先應賊悉殺之又知府孫子知縣朱茂張

城告急巡撫郭者一。七鎮。袁州聞賊至旋南昌吏民
竄匿城遂空浹旬丘岷乃至左帥副將吳學禮督兵
五千自潯來禦賊逸班師而獻賊十數萬以十月二
十五日自吉而袁踞郡城僞署官屬殘掠甚慘十一
月二十五日左帥鎮將馬進忠王允成等督兵至賊
卽還楚左兵濫殺百倍於寇至乙酉署府事推官廖
文英同知李時興稍葺城爲守備五月

國朝定江西先諸將若謝騰雲蒲纓及黃朝宣等五
營迭據袁城九月提督金聲桓遣副將何鳴陞蓋遇

宜春縣志

卷之十一 城池

四

時等先後克袁未幾楚帥黃朝宣自蕪子窩督兵數
萬來攻營城西鳳凰山築土城開壕爲持久計進逼
北城順治三年正月金聲桓遣白副將來援朝宣解
圍去五月鎮將郭天才拆民屋置甕城增修敵樓時
環袁皆兵搶掠至六七十里兼連歲奇荒白骨山積
五年正月金聲桓叛節遣欽將湯執中蓋遇時及自
號義旗者衆不下數十萬分踞郡城互相吞併廬舍
蕩然無遺五月執中閉下十月遇時西奔袁城復空

十一月一。開。城。袁。城。六年正月譚大將軍遣

兵恢復九年十月... 塘等地方搜掠一空... 千營西關外未見敵大掠而去城以... 年洪水東西北一帶瀕江者岌岌傾殆知府吳南岱

推官王延禔後先修築康熙三年四月十七夜霪雨
為災北門城圯入江潭計三十八丈五月守道施閏
章知府李芳春等詣潭祭告遴匠興築重修四門城
樓暨週圍梁口備造箭簾守具四年六月始竣工詳
郡守李芳春記時總督張公朝璘巡撫都御史董公

宜春縣志

卷之十一 城池

五

衛國布政使余應魁右布政使陳弘業按察使蘇銑
守道施閏章協鎮許壯猷知府李芳春同知孫席慶
推官鄭煥都司董正已知縣董義行等各捐助有差
城四門東曰宜陽舊名安仁通分宜縣西曰萍實通萍鄉
縣南曰大仰舊名安仁通仰山古廟北曰袁山通萬載縣
而袁郡遂安然焉俎屹若金湯矣

康熙二十一年五月十五夜北城圯舊例郡城四
縣分修南曰大仰舊名安仁屬宜春西曰萍實屬
萍鄉東曰宜陽舊名安仁分宜北曰袁山屬萬載每遇傾

頽四邑各識所宜而修葺焉但北門城墜之左
約計城垣三十餘丈下臨江濤古有龍潭往往水
從潭湧城卽爲危是夜暴風疾雨河水漲漫新舊
城垣塌陷隨據練長張秀華等呈報知縣王光烈
親臨查閱共計塌陷城垣二十八丈較常爲甚蓋
以澗面木橋沉斜潭底空濶填築維艱因以城圯
修造邀例通詳以固金湯等情報明
一奉府正堂加一級于併通詳各 上憲蒙
題請動款奉

旨依議將萬邑所裁額編銀兩照舊復留動支修理
不足以補萬一蒙

各憲獨助始告成功至若宜令王光烈具文詳請
欲以龍潭地面讓出移城於內另築新垣 上憲
埤以爲一勞永逸之計其工費又十位
寢

康熙三十四年十二月十九日

袁州府宜春縣知事本年十月

江下 等處 中軍遊府

內開康熙三十一年十一月初三日據嵩汛宜春千

總王一虎報稱本年十月初二日據看守西門外

委把總李進甫功加千總劉仕麟各報稱有外

邏城樓於九月三十日夜被風雹吹倒懇移有司

早為修建等因到縣早職隨查郡城四門城樓例

係四縣分修東分宜西萍鄉南宜春北萬載此舊

例也今春北門城樓倒塌已經萬邑重修南門城

樓傾塌早縣隨遵捐料募匠重建將竣所有西門

城樓倒塌早縣隨於十月初四日移會萍鄉照例

宜春縣志

卷之十一 城池

修葺去後迨至十二月十九日方准移覆內稱四

門分修原無額載兼做邑離郡寫遠路隔一百五

十里鳩匠運料修葺維艱或蒙總修做邑諒指以

補修葺之費等因關覆前來切查郡城關係封疆

為四邑保障倒塌重建工程浩繁故係四縣分修

成例已從各門城垣所砌之磚舊有註定四縣字

樣鑿鑿可考若云原無額載則磚工燒成字樣便

是確據夫以封疆重務延至數月之久尚以空文

推諉將見興修之日愈滋倒塌憑何守禦早職係

屬首縣與有干係 合無詳請 憲臺垂念封疆重
務大彰 靈威而賜嚴檄萍邑照例迅爲修葺庶
金湯鞏固保障有依爲此備由另具書冊一併具
申伏乞 照詳施行 右申
本府正堂加一級胡

隨蒙檄行萍邑照例修理在案自三十四年後分
宜縣知縣黃之鳳修東城樓一次萍鄉縣知縣程
世經修西城樓一次宜春縣知縣胡巴修南城樓
一次萬載縣知縣何錫命修北城樓一次至四十

四年水衝北城傾圮十餘丈本年萬載縣知縣孫
國柱復重修

康熙四十一年三月

日奉

袁州府正堂加一級胡爲呈請移明修理城垣以
固疆圉事本年三月初九日准 協鎮江西袁臨
等處地方中軍叅府加四級孫穆會內開康熙四
十一年三月初六日據嵩汛宜春千總會蘭呈稱
據看守北門千總黃國柱西門管隊劉豹東門目
兵袁奉報稱 北門連至北門內倒壞梁口四

個長三丈營戶凡下延至西門止共倒壞堞口二
十六個西門連至南門止內共倒壞堞口二十七
個事干倒壞城堞堞口理合報明伏乞轉報移請
修理等情據此 卑弁理合具文轉報俯賜移修等
情到府據此惟查據報城垣倒塌處所與本府親
詣查勘無異但有城內近牆垣之處高坡甚多致
猪羊牛馬每每登城踏踐應行平坦至於傍樓之
所登城堞旣止用一處設立柵欄閱時鎖閉非惟
犧牲不能登城踏踐卽有奸徒亦不致漏網矣合

併移會希卽就檄行四縣循照往例將城垣倒塌
處所各迅爲修理堅固等因到府准此合就檄行
爲此仰縣官吏照票事理文到卽便遵照往例速
將各管經修郡城城垣倒塌堞口處所修葺堅固
傍樓之所登城堞旣設立柵欄閱時鎖閉仍將興
工日期具文報 府以憑查核事關封疆重務慎
勿泛視抗延致干取咎未便速速須票
右票仰宜春縣准此

官署

縣署附郡郭內歷紅修葺煥狀可觀兵燹之後不
堪懷古矣狀而甘棠在望遺愛具存循卓後先接
踵登斯堂也得毋景慕前徽而樂民樂憂民憂乎
爰為誌

袁州府治 在西大街
詳載府志

縣治在府治北初在郡治東城內隋大業三年移
於州之東七里宋紹興三十一年邑宰胡安老始
徙於城內善政坊元季兵燬明洪武三年知縣仲
宜春縣志 卷之十一 官署

時舉以舊址陘隘遷於府治北開元寺舊基即今

治

正廳 年久倒塌康熙三十八年知縣張綸捐貲鼎
建不日落成迄今巍狀為一邑之觀

幕廳 正廳西 節愛堂 正廳後明嘉靖乙
巳知縣凌汝志修

知縣廳 縣丞廨 廳左以
上俱存

主簿廳 廳右 典史廨 廳左
前存

六房 存 吏舍 廳右三十
六間盡毀

庫房 幕廳後 縣獄 儀門內西六間明萬曆中
知縣曹信重修

土地堂 儀門外東 貞館 儀門外西

縣頭門國朝一縣長謙重建舊只三間局勢狹

龍捐俸重修頃為五間視舊制遂况模宏敞

縣儀門舊制門相間尺地淺而偏康熙四

始均

縣屏牆龍捐俸重修徙遠五尺廣亦如之

申明亭門左旌善亭門右即古彰善糾惡處

榜亭三間河泊所在信義鄉明正統間裁革

稅課局在泰三年裁革

澗富嶺巡檢司在集雲鄉安福接界為郡東南要害因地荒寂官常暫在府城明萬

宜春縣志 卷之十一 官署 十一

曆六年知府建責其居守今久毀國朝順治十八年巡檢趙士元重建又毀

黃圃巡檢司在石裏鄉距縣百里為郡西要害明洪武初立今久毀國朝順治十五

年巡檢魏映奎捐資重建計正廳房屋共拾間又毀

陰陽學布政分司醫學縣治東湖西道今毀

算學在西城外僧綱司在袁山門外

道紀司在宜陽門外秀江驛在東關外今毀

公所

袁州衛縣治東南詳載府志

察院行臺在縣治用舊為廉訪分司明知府劉伯起

布政分司 縣西舊道詔亭明知府何濬以建今久毀

湖西道 縣治南今久毀

公館 在報恩寺殿後嘉靖間知府范欽即僧屋改建以寓賓旅今毀

南府 原嚴氏舊宅籍沒後改行臺今毀

老府 原嚴氏忠彌堂籍沒後改行臺今毀

譙樓 詳府志 稅課司 在下水關界詳邑治公所基地

兵備道

兵道公署原在縣治東南宜春臺下明嘉靖末年因閩廣流賊雲擾臨吉間議拓軍器局址勅

宜春縣志

卷之十一 官署

建公署移吉安兵備鎮守盜平復移吉安自

國朝兵道奉裁將公署改爲督學按臨考場甲寅

兵燹以來傾頽已久每逢試期草二修葺前任

知縣張綸具詳 府憲奉批四縣輪值公辦康

熙四十三年知縣江爲龍詳請 前學憲劉暨

本府正堂葛批示遵行康熙四十五年新任

學院按臨歲試知縣江爲龍復詳請定例與分洋

萬三縣公同修飭復增屋數楹廊廡恢廓規模

煥狀改觀人文之盛其有賴於斯乎

康熙四十七年二月十九日

袁州府宜春縣知縣江爲龍爲公務公任允得其
平懇批存案以垂永久事竊查袁州府兵備道衙
門改克 督學考試蓬廠實四邑公事也向來修
理鋪墊等項彼此推諉多累首邑康熙三十九年
前任知縣張給以公務理宜公任等事具詳詳稱
竊惟縣令一官原以上辦公事下奠民生事有應
於獨任者固不容推諉而卸責於他人事有當以
共爲者亦不容緘默而貽害於一邑兵道司爲考

宜春縣志

卷之十一 公所

十三

較合郡士子之公署非止爲考較宜春一邑之生
童而設也全書無額編科歲兩考之公費其司署
蓬廠以及家伙什物鋪陳帷褥等項自應四縣協
同料理或分年輪值庶勞逸適均而無偏枯之患
不意袁郡科歲兩考近來獨累首邑與各府不同
真有不可解者 卑職 自去冬蒞任適值科試之年
居民匠斲咸以不堪獨累爲詞紛紛具控 卑職 因
念附郭首邑新任之員理宜憲公以爲諸邑倡是
以獨肩其任不收冒昧具詳今舊 學憲之考試

久竣而新 學憲之按臨非遠若不及早詳明必
至互相觀望貽悞將來案查康熙三十六年五月
間宜邑里民易炳孫等以額天循例等事呈稱協
幫隨經前令詳奉 憲批檄行各縣知照在案嗣
因約練都保羅佑我等泥水匠斲王德懋等各詞
控 憲復蒙行令四縣公同協辦毋致偏累郡城
煌煌憲檄具見一視同仁凡爲屬員自應祇遵同
勩厥事詎萍鄉前任程令置身局外全不以急公
爲念反稱修理鋪墊例應首邑獨管且云國子監

修理係順天一府之專責援此爲例抗不協應以
致分萬兩邑亦袖手不前有辜 憲臺檄行之意
獨不思國子監修理專責於順天一府者以順天
府屬原有額編修理之銀兩也今宜春額編亦有
此項銀兩乎倘謂公署在郡城卽應附郭者獨任
則郡城四門之城樓 府 廳兩憲之衙門亦不
應外縣分值矣况 學憲按臨日用供給尚係四
縣輪值何獨修理鋪墊諉諸首邑至云外縣從無
幫貼毋論詢諸里民僉稱首邑獨任始於康熙年

間爲日未久卽便相沿已久亦屬一方不公之陋
規非

朝廷

欽定之成例也 欽定成例有不便於民或情
法稍有未協者亦當爲更正豈有四縣公務反可
任其偏枯而不爲更正乎今若詳請 憲臺仍檄
四縣協辦恐此推彼延終蹈前車之轍無補實際
卑職愚見不如四縣分作三次輪值宜春分宜各
值一屆萍萬兩縣同值一屆由宜春而分宜由分
宜而萍萬週流復始不特責有攸歸各縣無所容

宜春縣志

卷之十一 公所

十五

其推卸而勞費一屆之後復得兩屆安逸較諸年
年協辦歲二恠祿不爲更愈乎舊年科試已經
卑職承值外今年歲考理應分宜但舊年 學憲雖

未按臨分宜而奉檄之後該縣已經勞費諸事預
備似宜筭作一次今歲宜令萍萬兩縣同值下次
科考復從 卑職爲始循次輪流更爲情理之平事

閔公務理合詳請 憲臺俯電前情恩賜批定檄
行四縣知照永遠遵守俾考試 大典不致互相
觀望而勞逸適均下吏感戴 弘慈於無旣矣案

奉前任本府正堂加一級胡 批公事自應公
仰候如詳檄行三縣輪值可也此繳等因遵行在
案康熙四十三年 卑職到任隨於本年十一月初
六日爲考試事關闔郡公務衙署棚廠叩 憲賜
電原卷批飭四縣輪修永定良規以杜推悞以避
偏累事具詳

前任提督學政劉 批送

憲臺查明舊例妥議詳奪繳等因又於本年十二月
十六日爲考試事關闔郡等事具詳

宜春縣志

卷之十一公所

十六

憲臺竊照

朝廷制科取士 學憲按臨考較大典攸關宜邑之兵

道司舍卽袁郡校士之公署也向屬四縣共勦協

修前奉 學憲催文到 府轉行催修到縣萬載

署任何令移催三縣內稱考試生童乃袁郡之士

子其修理司舍搭蓋蓬廠以及家伙什物例係四

縣公勦料理希卽責令承役帶同匠夫來郡共勦

確估備料興修備闕去後已委澗富司興工修葺

卑職於本年七月十四日到任正逢前 署

催

卑職

赴署查修各項費用浩繁百無一備工匠

曉曉稱稟據督修澗富司趙永臣詳稱修理學

憲司舍向係四縣共勦署任何已經備閔三縣今

考場蓬廠朽爛修理不貲奈無木料其內衙應用

什物毫無各縣均有干係

卑職

難為巧婦之炊

相應備文申請俯照舊例閔僅三縣遇發經承過

縣共勦修理等情前來

卑職

檢查原案於康熙三

十六年前令據里民易炳孫等以額天循例等事

詳奉府批檄行四縣知照在案又據約練都保

各匠役王德茂等哀詞控府奉批行令四縣公

同協辦毋致偏枯在案於康熙三十九年前縣張

令為公勸理宜分任偏枯情所難甘等事具詳

前府憲蒙批考較生童原屬四邑之公事何得獨

累首縣修理備辦此該縣所以有偏苦難甘之詳

也除詳批發外合就檄行該縣即將兵道司衙舍

考校蓬廠事宜等項早為修理備辦公事自應公

辦分年輪值情理允協等情批卷確據業已遵行

本年八月初三日奉學憲檄行按臨在即查驗

考場各物未備卑職蒞任伊始點金乏術設措維艱奈屬首縣不行預備卑職恐致譴責四縣若干罪戾同寅必加歸咎進退維谷只得向協鎮揭借星夜速辦竭力代為修備幸免貽悞以為各邑自遵例共濟庶可以抵公項八月初五日據萍鄉縣閔稱康熙三十九年因衙署遺廠傾圮修造費用浩大以致貴邑前縣申詳府憲欲以四縣分作三屆修理彼時做縣同萬載各捐銀五十兩交付貴邑前縣助其修造初六日又據分宜蔣閔稱三

十九年歲考已屬萍鄉萬載同值而前次科考乃是貴縣承值無疑矣從此依次輪流一歲一科已有定例而今次科考不特非做邑之事似亦不煩貴縣之諄二移囑者也乃責以彼此應無忽廢之理豈貴邑詳請之事本府通行之案俱可置之高擱乎據此則照例協修已屬瞭然矣值學憲按臨之日各縣經承俱稟俟伊縣至到郡自照例協幫記事竣之後各置膜外卑職以否做之縣其借辦之銀何從措給復具閔移萍萬據萬載圍閔云

做縣到萬署篆於八月初九日視事業已學憲
按臨修整備辦當在六七月間也今做縣自蒞萬
載每事艱難措理拮据又奚堪此意外之費乎而
萍鄉回閱則云查當日前任貴縣詳府文內有云
由宜而分由分而萍萬爲三屆輪值等語是不云
年而云屆者謂科歲兩考方爲一屆也既云輪屆
三十九四十年已值萍萬四十二年應值宜春
四十五六年方值分宜等語彼此推卸竟背前例
卑職切思司舍在先年爲兵道之衙門原屬宜春
承值今改爲學憲之案院乃爲合郡士子之考
署非止考宜春一邑之生童四縣均爲袁郡之屬
邑具修理衙舍蓬廠什物非協幫卽當輪值况
前憲批飭在案業已遵行忽於今日頻催岸然不
顧竟欲將合郡之公務委爲宜春之獨任得無矚
卑職之初任可以智欺術愚乘前府之卸事頓
思改絃易轍乎但考校大典修理蓬舍內衙什
物在宜邑旣無額編款項又難派累里民那項恐
于功令捐資薄俸無幾况宜春屬在首邑每逢

上司按臨其代三縣公事之費用拮据更有什
倍者誰甘剗肉補瘡以四縣之公事受偏枯之貽
累若不詳請 憲臺預定畫一良規後值 學憲
按臨互相推諉諸事莫備倉皇草率必致違悞而
此闕彼覆嘵嘵不已亦非協恭之善策也 卑職復
再閱催三縣徒滋瑣賸之煩合具文申詳仰懇

憲臺俯查三十九年 前府胡批允前令詳文公
事自應公辦分年輪值宜春分宜各值一屆萍萬
兩縣同值一屆由宜春而分宜由分宜而萍萬週

宜春縣志

卷之十一公所

二十

流復始今歲

卑職

業經修理完公請將甲申年科

考爲始筭作宜春承值一屆下次歲考例訂分宜
承值一屆又下次科考例訂萍萬承值一屆以後
一歲一科挨科輪值庶使公事適均而責有端屬
以免每科移催之擾彼此推悞之咎事關公務理
宜詳敘前後原情詞味懇請

憲臺俯電前情恩賜允詳永垂定規轉飭四縣知照
今三屆輪值承遠遵守俾考試大典不致互訛
望而勞逸無虧屬在下吏感沐 鴻恩於茲

具詳 憲臺奉批歲利兩考四邑公事據詳派爲
三屆分年輪值勞逸無偏誠可永守仰候 學憲
批示至日定奪飭遵繳等因批發到縣 卑縣復查
案內於康熙三十九年七月初五日奉 前任本
府胡檄行一併爲公務理宜分任偏枯情所難甘
仰請 憲批免致耽悞事內開據萍鄉縣申詳前
事內稱 卑職 凜奉檄行隨查兵道衙舍考較蓬廠
以及家伙什物鋪陳帷褥等項早爲修理自應公
辦分年輪值亦所應遵但萍萬二邑隔遠郡城不

惟物料採辦維艱而匠斷赴工仍難董率合無申
懇 憲臺俯賜檄行宜春縣將從前修理鋪墊需
用銀兩數目開出以便兩邑酌分公捐仍令宜春
縣代爲經管則公事不致於偏累臨期亦不致於
違悞取咎矣等情申詳到府據此爲查該縣旣稱
遠隔郡城情願與萬邑同捐需用之費仍令首邑
代爲料理則首邑雖勞而不費亦屬近情合檄行
查爲此仰縣官吏照票事理文到該縣即將從前
修理兵道衙舍考較蓬廠以及家伙什物鋪陳帷

禱等項一切需用工新價値細數據實開明造具
清冊一樣三本具文繳府查核以憑轉行飭知萍
萬二縣公捐可也等因卑職 檢查前案或稱輪值
或稱公修未荷定例將來恐復致參差推諉卑縣
於康熙四十五年復具文詳請荷蒙
憲臺飭令每試考場器用皆係公修公辦於康熙四
十六年案奉

提督江西學政四川道監察御史加三級楊按臨歲
考其公署蓬廠鋪墊什物四邑稟奉 憲飭俱係

公修公辦遵行毋諉今卑縣修輯縣誌田賦公署
則例俱彙入邑乘以備成書合行備錄前案具文
詳請

憲臺俯賜金批登入縣誌度定例永為信案不獨四
縣考試大典自此不致諉誤而下邑之記載更邀
榮於百世矣為此備由具申伏乞 照詳施行奉
本府正堂加二級葛 批蓬廠器用乃試院所必
需四縣公修唯眾擎而易舉若不著為成例恐歷
久而無徵既據錄案呈詳當即載入邑乘可也此
繳

典制

化民成俗莫善於教興賢育材必資於學而養老禮高年祀明神尤重典也先聖之芳型具在往哲之遺矩猶存使後之人高山景行無負

聖天子輔世導民之心則典惇禮秩三物賓興事神治民之道咸備矣作典制考

學校

附名宦鄉賢二祠姓氏

袁州府儒學

在縣治西南詳載府志

縣儒學舊附於州學西偏夫子廟在城東門外淳

宜春縣志

卷之十一 學校

三十三

熙間邑宰柯春卿始遷於秀江之北基乃盧肇故居也昔賢稱其遠面春臺近臨秀水西橫畫舫東

峙盧洲稱人文與區創大成殿設講堂曰聞絃始

與廟合開禧元年邑宰司馬遯創齋四曰

居仁由義近思

篤嘉定三年邑宰姜光復立講座增職事位環以

廊廡八年邑宰王洙以其地澹窈乃遷築殿宇改

創戟門櫺星門近挹山川之秀講堂序舍皆仍舊

殿後有盧公墓沼桑亭其上因以名之堂前有亭

曰詠歸乃舊戟門元季兵燬明洪武七年知府劉

伯起建大成殿兩廡櫺星戟門明倫堂
知縣孫士敏刻魯司寇象立石殿內正統
縣姚文建敦教堂張益記成化庚子署縣事
鄧璘重修胡榮記正德七年知府姚江
宜鼎勅大成殿十年知府徐璉建堂齋廟
疊石隄江築興賢樓自爲記嘉靖間知府王卿重
修丙午春知縣凌汝志重修巳酉間知縣徐栻又
新啓聖祠藏書閣築射圃建亭歲久漸圯萬曆四
年知縣曹倌重修戟門屏墻易甃以磚石易可久
污壬午知縣朱茂暲重葺隨毀壞

記四十六年知縣廉養貞復修崇禎丁丑寇亂踐
國朝順治十年教諭范誕上狀郡縣修復康熙六年
郡守李芳春同知夏毓龍知縣陸柄謙教諭金玉
書捐修七年工竣甲寅寇變屯軍蹂躪二十九年
署縣事都昌縣丞王緯臣重修四十三年知縣事
江爲龍甫下車見聖殿兩廡傾頽遂集諸生謀修
之越明年告成有記載藝文卷內併增製祭器
數四十五年教諭劉準訓導胡之麟倡修河岸暨

立古盧石及石獅自是宮墻富美燦狀改觀矣第
文昌以久燬論者以為文運所關其經營有待云

先師廟

歲春秋二仲月上丁日有事於先師廟則先祭
啟聖祠後舉廟祭

國朝重道尊師一仍明制以復聖顏子宗聖魯

子述聖子思子亞聖孟子配享

東西十哲

先賢閔子

名損

先賢冉子

名雍

先賢端木子

名賜

先賢仲

子

名由

先賢卜子

名商

先賢冉子

名耕

先賢宰子

名予

先賢

宜春縣志

卷之十一 孝校

三五

冉子

名求

先賢言子

名偃

先賢顓孫子

名師

東廡先賢

澹臺滅明

原

憲

南宮适

商

瞿

漆雕

開司馬耕

有

若

巫馬施

顏

辛

公

孫龍

遭

卹

秦

商

顏

高

壤駟赤

石作蜀

公夏首

后

處

奚容蒧

顏

句并疆

公祖句茲

秦

祖

縣

成

伋樂

欬

狄

黑

孔

忠

公

顏之僕

施之常

秦

非

申

東廡先儒

穀梁赤 高堂生 毛萇 后蒼 杜子春

韓愈 程顥 邵雍 司馬光 胡安國

楊時 張栻 陸九淵 許衡 凡十四位

西廡先賢

宓不齊 公冶長 公皙哀 高柴 樊須

公西赤 梁鱣 冉儒 伯虔 冉季

漆雕徒父 漆雕哆 商澤 任不齊 公良

宣春縣志

卷之十一 學校

三十六

孺 公肩定 鄔單 罕父黑 榮旂 左

人鄧 公西與如 鄭國 原亢 陳亢

琴張 步叔乘 凡二十六位

西廡先儒

左丘明 公羊高 伏勝 孔安國 董仲舒

王通 周啟頤 歐陽修 張載 程頤

胡瑗 呂祖謙 朱熹 蔡沈 真德秀

薛瑄 陳獻章 胡居仁 王守仁 凡十九位

啟聖公祠

明嘉靖九年詔置京國子監天下府州縣學以啟聖公祠

公 梁紀以

先賢顏氏 名無會氏 孔氏 名鯉 孟孫氏 名宜

先儒程珦 朱松 蔡元定 配

名宦祠

十六年知縣江為立門之右設立名宦牌位

名宦姓氏

明

凌汝志知縣

蔣應震知縣

向 欽訓導

立春縣志

卷之十一 學校

三七

鄉賢祠

四十六年知縣江為龍立

鄉賢姓氏

漢

陳 重孝廉大守

袁 京高士

唐

盧 肇狀元

鄭 谷都官郎中

詣

至聖先師孔子神位前 跪 獻帛 獻爵 俯伏

興 詣 復聖顏子神位前 跪 獻帛 獻

爵 俯伏 興 詣 宗聖曾子神位前 跪

獻帛 獻爵 俯伏 興 詣 述聖子思子神

位前 跪 獻帛 獻爵 俯伏 興 詣 亞

聖孟子神位前 跪 獻帛 獻爵 俯伏 興

復位 引下 通贊 唱 詣讀祝位 引贊二

生上 唱 跪 讀祝文 讀祝生捧祝傷跪讀

室春縣志

卷之十一 學校

三九

維 皇清 某年歲次 某仲 春秋 某朔越祭日 某

宜春縣知縣 某 縣丞 某 典史 某 儒學教諭

某敢昭告於

至聖先師孔子神位前惟 聖德配天地道冠古今

刪述六經垂憲萬世茲當仲 春秋 理宜祭祀謹以牲

帛醴糝粢盛庶品祗承清薦以 復聖顏子 宗

聖曾子 述聖子思子 亞聖孟子配尚饗

引贊 唱 俯伏 興 復位 引下 通贊 唱

行亞獻禮 行分獻禮 引贊二生分班

詣酒尊所詣

至聖先師孔子神位前 跪 獻爵 俯伏 興

四配同前 復位 又二生引陪祭官行分獻禮

詣東哲先賢神位前 跪 獻帛 獻爵 俯

伏 興 西哲同 復位 通贊 唱 行終獻

禮 分獻兩廡 引贊二生引同亞獻禮 復位

又二生引 陪祭官分獻兩廡 通贊 唱

飲福 受胙 引贊二生引上 唱 詣飲福位

跪 飲福酒 受胙肉 俯伏 興 復位

宏春縣志

卷之十一 學校

三

通贊 唱 辭神 鞠躬 拜興拜興拜興

讀祝者捧祝 執帛者捧帛 各詣瘞所 望

瘞揖 復位 徹饌 揖 禮畢

春秋祭品 係錄明會典

啟聖公祠

省牲 羊一豕一兔一 陳設 羊一豕一爵三登三劍一簠簋各一酒尊

一籩豆各四香案一香爐 一燭一對 七配兩廡同

先師廟

省牲 羊三豕九兔三 陳設 羊一豕一爵三登三劍一簠簋各一籩豆

各八酒尊一簋一帛一白色長一丈八尺香案一

香爐一燭一對

四配酒尊共羊一分作四分每位一分豕一分作

二邊豆各六簋一帛一白色長一丈八尺香案一

香爐一燭一對

十哲酒尊共豕一分作五分每位一分簋各一帛

一邊豆各四香案一

香爐一燭一對

兩廡各四位一壇中總設香案一香爐一燭一對

帛一白色長一丈八尺每壇

爵四簋簋各一邊豆各四

祭器總數 係錄明會典

祝板一爵一百五十七登五釶二十簋四十一

簋四十一邊一百八十四豆一百八十四籩九

安春縣志 卷之十一 學校

竹為之酒爵五酒尊五酒尊桌三上作三孔帛

匣八香案十七大小木槩二面一十一徑一尺

深二寸是半寸供桌四十三毛血盆八瘞毛

血盆八乾巾三罍巾五盥洗盆架各三滌牲桶

八鍋八粉盆一庭燎隨用

以上祭器庫收貯不備即補造之

邊實 邊以竹為之容四升 左列

形鹽 棗魚 棗 栗 榛 菱角 芡 頭即雞蓮

白餅 造白麵 黑餅 蕎麥粉造 粉案 糯米粉造

豆實 以木為之容四升 右列

韭菹 以韭切去本末用中四寸 菁菹 芹菹 筍菹 鹿

醢醢 猪肉餈用醢 兔醢 豚胸 猪鬍

酒料物調造

切細湯爨 糝食 切粳米餅同熬

籩實 籩瓦器外員內方有蓋刻龜形

黍稷

簋實 簋瓦器內員外方受一十二升有蓋亦刻龜形

稻梁

登實 登瓦器如豆徑尺八寸高 大羹 猪肉汁不用鹽醬

鉶實 鉶瓦器

和羹 汁用菜料和者

附載舊設祭器樂器祭物

祭器 銅花瓶香爐全銅雷罇一有蓋杓銅牛一

銅象一銅簋五十九銅簠五十九銅鉶二十五大

爵盞三銅小爵盞一百八十一銅燈擎五錫盆五

錫盞四錫香盒九祭器櫃一籩豆二百七十二幣

帛匣十二大燭架四牲匣六牲匣架六燈籠二十

二鐵燭臺八十八鐵香爐三十五祝牌二

樂器 黃絹帳一紅絹龍幡一黃絹鼓帽一鼓帽

竹格一旌二旌架二搏鼓二搏鼓架二琴十瑟四

銅鐘十六石磬十六祝一簫四笛四箎四塤四飛

鳳八黃鵠二獅子二歌一歌工十人此堂上之樂

籥管三十六翟羽三十六舞干三十六舞生三十

六人此堂階之舞

祭物 帛九段每段計四尺八寸羊二豕六鹿一

兔二香燭酒黍稷稻粱鹽榛芡菱棗栗韭菹芹菁

菹藁魚魚醢醢

醢鹿醢兔醢脯

附樂章

迎神 大哉至聖道德尊崇維持王化斯民是宗
典祀有常精純並隆神其來格於昭聖容

奠帛 自生民來誰底其盛惟聖神明度越前聖

粢帛具成禮容斯稱黍稷非馨惟神之聽

初獻 大哉至聖寔天生德作樂以崇肯祀無斃

清酏惟馨嘉牲孔碩薦羞神明庶幾昭格

亞獻 終獻

百王宗師生民物軌瞻之洋洋神其寧止

酌彼金罍惟清且旨登獻於三於嘻成禮

徹饌 儀象在前豆籩在列以享以薦既芬既潔

定春縣志

卷之十一 學校

禮成樂備人和神悅祭則受福率遵無越

送神 望瘞

有嚴學宮四方來宗恪恭祀事威儀雍雍

款格惟馨神馭還復明禋斯舉咸膺百福

櫺星門

明知縣錢文薦廉養貞修 國朝教諭范謨 續修 知縣江為龍復修

戟門

萬曆丁丑知縣曹信勸石 國朝康熙丁亥知 縣江為龍重修

明倫堂

門外有石臨江高二丈餘 峻秀玲瓏亦盧狀元物

神厨

康熙四十七年 知縣江為龍修

神庫

舊二齋

進德 育材

尊經閣

膳堂

學倉 久廢

學基

東西二百步南
北二百五十步

射圃

廣一百二十步
三十步亭曰觀德

屏牆

明知縣曹信修以
縣江為龍收地洞

興賢樓

康熙丙戌知
文波濼洲蔚興多士

文昌閣

興賢樓

閣在學左面臨秀江一水直瀉明知縣黃洽中
羅仁方用形家言次第建樓閣以砥柱之且遠
接盧洲演藻迴瀾巽峯錯繡歲久傾墊萬
曆庚申知府黃鳴喬等飭工完美今毀

敬一亭

制與
府同

藏書閣

明知縣
徐棧建

社學

一在縣治東一在萍實門外一在縣治南一
在袁山門外一在城東二十里下浦今圯

學田

明萬曆二十四年知縣尹從淑買何童學

背民田六畝未經申詳年收租稻一百桶內將

宜春縣志

卷之十一 學校

三十四

四十桶完糧餘六十桶作本學月考支費萬曆

三十二年知縣陳伯龍置學背魚塘一坵培整

學基萬曆四十四年守道鄔鳴雷買信義鄉民

田五十八畝地名雙演歲收租一十餘桶除納

糧外餘作三分府二縣一以濟貧生立碑府學

高士書院 在北外廂學宮右萬曆癸巳提學錢

檟建自為記歲祀鄉賢袁京于內置祠堂五楹

前講堂五楹兩廡書房各十間門樓墻屋俱備

秀江書院

詳府志

六柳書院 成化丙戌進士袁魯訓江督袁繼咸
讀書處在橫塘

王公書院 在東門外侍御王和說建姜曰廣記
今圯

昌黎書院 卽唐韓文公祠久圯康熙三年守道
施閻章郡守李芳春等重建詳推官鄭煥記知
府李芳春有請詳科舉記

重建昌黎書院記

鄭煥袁州府節推

袁陽舊有昌黎韓公祠在郡學講堂西宋知州事祖
宐春縣志

卷之十一 書院記

五

公無擇實經始之明初姚公文守茲土卜移宜春臺
下卽今址云嘉靖間劉公廷誥改為昌黎書院增原
道閣廷諸儒講學其中此袁陽昌黎書院所自始也
後鄭公惇典至復增屋三楹以備庖厨汪公若水又
重修焉後先叙其事者如祖公無擇黃君幹諸記具
載郡志中其所以尊尚韓公者至矣然竊謂知所以
尊公實未盡知公之以傳道厲世為心歷千萬禩如
一日者也公嘗謂世無孔子不當在弟子列又曰堯
舜禹以是傳之湯文武周公孔子傳之孟軻軻

之後不得其傳非隱然有以自任乎蓋公實有見夫
孟子之心之性與夫持志養氣者若親承其統緒焉
故其貞一已之心性以全生平之志氣溢爲文章措
諸行事歷久而道彌尊今袁之有書院已數百年登
其堂者或徒見公有濟天下之畧與夫起八代之文
而不思其所爲約六經之旨以反一己之非者則是
登公之堂而不能行公之事其于書院之建不大失
前人意哉蓋公守袁實移自潮潮之人罔未知學公
命趙德爲之師士皆敦行延及齊民以至今號易治及

宜春縣志

卷之十一 書院記

在袁一時盧肇黃頗諸名人皆公所由迪而教之用能
發高士之風規振都官之遺緒文考早節義麟麟炳炳
公之教倡于上士之勸應于下代有聞以時多育德
書院之于袁顧不重歟且其地枕表台臺面珠泉實擅
山川之秀數十年兵燹煨燼樹生瓦礫間高且尋丈
癸卯冬三韓李公來守是邦與余一二三僚屬文武同
心協恭修城葺學繕橋梁構郡治立一教漸興署中舊
額景韓公實嚮往之余因道及昌黎書院鞠爲茂草
講學不行人罔則倣適分守泰藩施一公按部余從李

彼相率白其事輒慨然首倡又得進士袁君繼起
鄉紳梁君佳植共襄斯舉爰相舊基諏日重建堂
殿巍然樓閣翼翼齋舍庖廡以次而備中祀昌黎公
仍舊典以李翱皇甫湜盧肇鄭谷配之自茲以往
道德之所由成教化之所由一政治之所由美韓公
傳道厲世之心所由昭示來茲皆于書院是賴顧不
重歟予同理茲郡訟牘簡少爰諸太守李公暨諸寅
屬同課諸生遴其尤者肄業書院中親行訓督相與
明聖賢之指究平治之畧如父兄之于子弟朝引而

夕導焉又日給廩餼俾得一意下帷頗謂一時盛事
大守李公屬予記之予不敢辭謹爲之叙其本末俾
後之君子知創于前者如彼興于後者如此從而推
廣教化增修宮墻尚將有厚望焉是役也工始于康
熙乙巳九月告成于丁未三月分守施公名聞章江
南宣城人協鎮許公名壯猷京衛人太守李公名芳
春三韓鐵嶺人郡丞孫公席慶新任夏公毓龍都司
董公正巳宜春知縣陸柄謙前署縣事鄭宰分宜知
縣朱萬萍鄉知縣臺瞻斗萬載知縣范廷鳳皆與有

捐助者司理鄭煇爲之記聞之蒲陽人也

昌黎書院科舉記

李芳春

袁爲郡在江右上游山水清奇代多偉人碩士士之由科目進者自漢唐來考之郡乘魏科高第炳炳麟麟蓋嘗指不勝屈矣近年以還稍遜往喆議者謂時會偶然予竊有不信者亦謂顧人事何如耳予嘗遍詢江右錄科如南吉撫建諸郡多者千人次亦不下數百夫其取之也廣故其得之也衆袁固多才不讓諸郡而阨於限數通計五庠每科不過百幾十人以

是卽享用希逢年益寡良有由也予自康熙丙午昌黎書院甫成思得援鷺洲鹿洞澹臺三書院例卽草具另請科舉一詳上之學使王公業蒙錄遺准試拔取如干名入塲在案然私心猶未之愜也頻年與諸士書院晨夕勤勤考課竊見風氣日益道上自謂此中可當旗鼓受上賞者誠多其人而盛事猶有待心怒然憂之爰於丁未之冬請學使吳公期以按部親臨書院另額收錄幸荷報可至次年戊申春抵袁予躬申前請蒙俞以昌黎書院科舉額數准取大學入

名中學五名小學三名榜示署門永著爲例及至案
發果如所定予爲忻躍再四秋闈撤棘而登賢書者
有人中副車者多人矣是謂人事一盡數卽從之由
此昌隆光大聯翩科名何渠不若諸郡也鄉先生同
多士又恐歲月就深典制莫定復於庚戌王正公詞
以書院錄科定額立案請且求筆之郡乘俾後有所
徵予適赴會城躬詣學使吳公呈詳懇切蒙批據詳
昌黎書院科舉額數諄諄至再具見該府作養人才
盛心惟於正額科舉及遺才錄科外大學八名中學
定春縣志

卷之十一 書院記

五

五名小學三名爲昌黎書院科舉定額以示鼓勵之
意永遠爲例嗟乎當事之深念我袁士至矣諸士砥
行立名讀書揣摩明先王之道以達當世之務所謂
勤職業乃所以求知是爲盡人事之本予雖鄙陋猶
將與諸士益勵前功期無負重建書院之意或邀昌
黎之靈如貞元會昌洪永故事從此巍科高第繼繼
繩繩文章風節彪炳海內予拭目俟之因從鄉先生
二諸士之請錄學使吳公之批而漫爲之記

余作昌黎書院既成數與諸寅屬進五學諸士講藝
季有課月有會每品第其尤者肄業其中錄其文如
千首授之梨棗以示激勸更爲日給廩餼俾得一意
講習自謂頗稱快事既伏而思予一官傳舍幸有此
書院與諸士朝夕倘無經久之規將來生徒日盛苦
無所資且絃誦之地歲需修葺徒責望後人以不可
知之設處萬難行之捐助是殆未可以有永也簿領
之暇籌畫數四因查得宜邑開曠荒田數段此田載
在全書約計壹拾貳頃有零實稽成熟不過十之一

二總緣歷年深久業主無存愚民既苦難墾又恐賦
隨其後以故佃者率畏縮不前比年菑備且多與草
及至考成官民交病予謂是固可以爲吾書院地矣
爰訊之陸宜春柄謙往復久之議以此田置之書院
而予爲措給牛種區處廬舍召佃開墾免其徭役許
以成熟陞科國計漸可無虧多士從此永利在吾輩
設誠力行之耳謀既協乃請諸藩臺余公又往復覈
詳至再幸蒙批行在卷因於康熙戊申仲夏集諸耆
民於庭責以分往鄉闈履畝清楚務詳務實間有疑

似未明必委官再行檢踏或單騎躬自省勘召其比
隣細爲詢實偶有欺隱薄責而貫之然後此田瞭然
指掌遂於是冬大治田事其熟者安插原佃諭以樂
耕矣其荒者悉爲設處牛種廬舍諸費分給各者及
早布置招民承佃一切雜泛差徭概行蠲免俾得悉
力田間明年巳酉東作告成予間行按視並令諸耆
轉相勸勞見其疆場翼翼禾黍或或曩時所避爲畏
途號稱石田者今良苗在望十有八九矣節屆三秋
命諸耆造清荒熟二冊延鄉先生之賢者總其成送

諸士中之髦秀者分其任公同簡閱一如初約令諸
耆止按成熟收量新田姑置以俟陞科余爲計完糧
外尚餘租穀若干石貯之爲吾書院廩餼修理之用
亦旣卓有成效今歲庚戌仲夏雨暘以時可望有秋
予按行及分遣觀相一如昔時答其芟柞更加開拓
焉踴躍稱快至爲起舞又明年則是田盡可倉箱矣
嗟乎天下有治人無治法昔賢每爲三歎然予歲嘗
躬赴會城及間行吉州詢及澹臺鷺洲兩書院僉云
南州昔年有涂恭襄先生諱宗濟者官大司馬講學

澹臺卽其提衡書院錢穀事厝置不苟出納有方不
越數年資用克溢賓興讀書之費具足焉又吉水有
李忠肅先生諱邦華者官總憲亦主鷺院講席其與
九邑諸生經紀公費歲時諸生補助書院修理暨鄉
會公車贈送俱不缺於供此兩先生不足爲吾書院
先資模範乎予願鄉先生及諸士肄業其中者三復
二郡盛蹟時督諸耆畱意綜理無俾耗盡力行省勸
無俾荒惰自完公賦外其有書院當支給修葺當及
時者不憚毅然身任之總之期公期平何思不服若
空春縣志

卷之十一 書院記

三

夫後之君子有地方之責者念謀始之艱從而修舉
興咻焉毋視爲不急之務而緩置毋指爲不經之費
而挪移毋苛索田租致其草竊毋輕役佃民使其蹶
奔將此田可以永永奕世而髦士奮興科名接武予
口望之田共一十二頃三畝五分八厘六毫坐落鄉
隅各地名并畝分租數房屋山場佃戶姓名詳載如
左茲紀其大略以俟後來有攷焉鄉先生董其事者
梁公佺植袁公繼梓其諸士名氏另書於冊

書院之有科舉所以育士子讀書其中儲國家之選而廣先賢之教澤者也西江書院盛甲天下其士子讀書書院得科舉者三南昌之澹臺吉安之鷺洲南康之鹿洞是也澹臺氣節首開西江士風鷺洲則江文忠勩興造士而鹿洞又朱陸講學地後儒所矜式者其定額得科舉爲士子勸宜也顧聖學自孟子後無傳人至唐有昌黎而道一顯故昌黎之言曰軻之死不得其傳荀與揚擇焉不精語焉不詳當是時崇尚詞賦無一人及聖學者公旣隱朕自任孟子後之

宜春縣志

卷之十一 書院記

四三

一人而後來諸儒但知爲文字宗爲忠直倡而不知爲禮樂之最而書院之先聲也况治行卓卓有功守土尤士子親炙而聞風也者袁爲州僻處江介元和間公由潮州刺史移守茲土先是潮人未知學公命趙德爲之師士行爲之大振及來袁禁傭隸禱水旱諸善政甚夥一時名士如盧肇黃頗皆公所興起厥後卿雲見於西北而肇頗輩應之公去袁卽官國子祭酒爲天下士師表而袁與潮實先被其化者何其幸乎書院舊爲祠經始於宋守祖無擇明初改建宜

春臺右卽今址朕故無士子科舉例會勝國至今
日寥寥較他郡爲細論者謂科舉限數大縮故爾

本朝康熙丙午余同年友李君芳春來守澧憂之特請
學使吳君援澹臺雋州鹿洞三書院例於正額科舉
外允增大學八名中學五名小學三名著爲令復進
五學諸生講藝焉年有試月有課又置書院田十二
頃爲廩餼用是科中鄉試者果得數人斯無負良有
司苦心矣亡何數科來學使不復行惟取府學八名
應故事他學不得與不惟寢失前人鼓勵美意而士

宜春縣志

卷之十一 書院記

四

不嚮學品行日益頹靡竊爲世教憂其做不止科目
無人也元人謂科舉興而古書廢其論實失之激卽
袁郡在漢唐宋各人才士魏科炳諸郡乘則就制舉
取士而廣取以磨礪之豈遂無真儒出其中歟復古
之盛哉聞袁有濂溪及二程子祠與昌黎書院俱由
學宮西徃徒茲地而久廢余方憾無能興復適南安
守以三先生道源書院科舉請行余亟從之蓋濂溪
嘗官南安司李而興國令程公令二子從遊是邦又
繼昌黎而爲有朱理學之首庸者則雖袁無三先生

祠而科舉既行於道源再行於昌黎更何憾歟余試
哀竣瞻拜書院中慨其屋壁傾圯稍捐俸新之而惟
恐書院科舉後來者行之不力遂追遡李君之美意
而大書昌黎之有功於袁者勒諸石令士子仍肄業
校文其中良有司賢師長必有起而奉行者庶袁之
士日新月盛不徒薰心科目而惟一意聖賢思起衰
文而原大道者至今猶蒙昌黎教澤也而余亦與幸
焉矣是爲記

按昌黎書院創於李公芳春置學田若干畝已詳
宜春縣志

卷之十一 書院記

四十五

碑記矣康熙三十四年郡守胡公應麟重修之通
詳 上憲開設義館遴四邑生童肄業其中餼廩
支給取諸學田無何司租鄉耆綜理無術侵耗滋
多郡侯葛以尚書郎來守是邦造士維勤清學田
額畝釐弊剔奸收租完公之餘悉克義館俸饒修
理費每歲舉行無少懈歷有文冊報明各 憲在
案其於李公諄懃樂育殆先後如一轍也四十六
年書院傾壞知縣江爲龍鳩工修葺有記載藝文

鄉飲酒禮

一迎賓

鄉飲之期主官偕眾官先至 啟聖公祠坐賓

在庠門外民房坐 引 報賓至 通全引 分東西兩

傍導主人出迎賓於庠門外 唱 排班主人立東

傍賓立西傍班齊 唱 揖平身讓主揖賓賓初讓

同進庠門此初揖初讓也 引 由青雲路至義路

門 唱 揖平身讓主揖賓賓固讓同進義路門此

再揖再讓也 引 至明倫堂階下 唱 揖平身讓主

揖賓賓終讓此三揖三讓也

一升階

主同賓升明倫堂階上 通唱 排班主僎立明倫

堂東賓介立明倫堂西班齊相對行禮主拜賓

兩禮賓拜主兩禮所謂拜至拜洗拜受拜送等

統括於主賓各兩拜之中也

一坐次

主賓各兩拜之後 通唱 主賓以下皆就席坐大

賓坐西北主奉之 獻酒獻箸 介賓坐西南較大

賓稍遜一席僎奉之 獻酒獻箸 者賓坐正西較

介賓稍遜一席次俱奉之

獻酒獻箸看席等事

所謂大賓

坐于西北而坐介於西南以輔賓主人坐于東南而坐僕于東北以輔主人也司正席坐於主人東南之右傍時儒學禮生及三賓子弟在學者俱同執事有席坐堂下兩傍有事輒起行之其供酒供饌另有吏典執事

遵錄大明會典

一揚觶

賓主坐定 通唱 揚觶 引 至司正前詣揚觶所設

立堂東 通唱 主賓以下皆起司正由西階升詣

立春縣志

卷之十一 鄉飲

四十七

堂中北面立 引 同執事者以酒授司正 引唱 揚

觶 揚者舉酒以酌之非揚起以示人也 因云恭惟

朝廷率由舊章敬崇禮教舉行鄉飲非為飲食凡我長幼各相勸勉為臣盡忠為子盡孝長幼有序兄友弟恭內睦宗族外和鄉里毋或廢墜以忝所生 引唱 揖平身司正及各執事皆復位 通唱 主賓以下皆就席坐坐畢 通唱 宣讀律誥主賓以下皆起 通唱 揖平身

一讀律

凡鄉黨序齒及鄉飲酒禮已有定式違者答五

十鄉黨序齒自平時坐立而言
鄉飲酒禮自會飲禮儀而言

一讀誥

朕本不才不過申明古先哲王教令而已所以鄉飲

酒禮序長幼論賢良別奸頑異罪人其坐席間

年高有德者俱上年高淳篤者並之以次序齒

而列其有曾違條犯法之人列於坐外不許干

與善良之席主者若不分別致使貴賤混淆或

察知或坐中發覺主者罪以違制姦頑不由其

定春縣志

卷之十一 鄉飲

主祭亂正席全家移出化外的不虛示宣畢通

唱揖平身主賓以下皆唱進酒水酒色幽味淡
以其質素故貴

之也賓即席將祭于
地下所謂祭酒是也

一羞供

羞主人之供主坐東南凡餽饌湯飯皆自東房

而出湯飯止用三獻可也賓將所薦脯醢祭于
盤中所謂祭薦是也

一樂歌

湯飯初獻三獻酒饌俱
禮生捧上歌生排列朝上歌呦呦

鹿鳴食野之苹我有嘉賓鼓瑟吹笙吹笙鼓

謝恩後引導主人送賓於庠門外排班跪齊

揖平身唱主送賓賓去唱賓不顧矣

一圖式附後

鄉飲之日畫圖一軸懸掛明倫堂

朕本不才不過申

明古先哲王教

令而已所以鄉

飲酒禮序長幼

論賢良別奸頑

異罪人其坐席

間年高有德者

居上年高淳篤

者益之以次序

齒而列其有會

律文

凡恭惟

鄉朝廷率由舊

章敦崇禮

序黨敬舉行鄉

齒及飲非為飲

鄉飲凡我長

酒飲幼各相勸

勉為臣盡

差供所

贊禮廳

東階

大假
北東堂
東階

會興

違條犯法之人
列於坐外不許
干與善良之席
主者若不分別
致使貴賤混淆
或察知或坐中
發覺主者罪以
違制姦頑不由
其主紊亂正席
全家移出化外
的不虛示

禮有已定式違者答十五

忠為子盡	孝長幼有	序兄友弟	恭內睦宗	族外和鄉	里毋或廢	墜以忝所	生
------	------	------	------	------	------	------	---

宣春縣志

卷之十一

官仕致

司正

合屬

服者為之
以眾所

司正

讀律誥生
贊禮
以上之類於
禮者為之

執事人以吏盡克

者事執



坐東北
州同知判官
府同知通判
縣丞主簿

縣知州
府知州

主
南東坐

鄉飲

律告



階



西階

執事

式圖

酒圖

北西坐

賓

年高有德致仕官為之

之尊



言案



以士之尊於禮者為之

禮贊

生誥律讀

階

階



執事者

賓

賓

宜春縣志

卷之十一

五

鄉飲姓氏

明

張化龍

朱克琳

徐天

潘守

國朝


梁佳植

袁繼騰

袁繼誠

晏先登

劉而寔



宣講

逢朔至於鄉約所請

聖諭牌在上 餘按圖陳設 地方官率紳衿先行

三拜九叩頭禮 官東立 紳衿西立 鄉約

左右分班 歌童序立 木鐸老人朝上跪高聲

稟行約事 鄉約高聲 唱發鼓三通 鄉約唱 參謁

聖諭牌 排班 班齊 就位 跪三叩頭 平身

跪三叩頭 平身 跪三叩頭 平身 肅靜

執事者各就位 鳴鐘鼓 鐘九聲 鼓九聲

宣春縣志

卷之十一

學校

三

木鐸高宣 孝順六句 供講案

約正請頒鐸書 鳴鐘七聲 鳴鼓七聲 鄉約

高聲唱 司約者詣講案前 約贊高聲 講

聖諭第一句 約講高宣第一句畢 約贊唱 聽講

聖諭第一句 講孝順父母衍義 兒歌童朝上歌 孝

順父母詩 歌畢 約贊宣 歌童站立原位 後五

條俱照第一句行 講約畢 約贊唱 約正

繳上鐸書 撤 約贊唱云 鳴鐘五聲 鳴

鼓五聲 保長請彰 響 東約史彰善 東約

史宣日

本約為善者雖有其人但善跡尚未甚著暫未敢舉以俟他日約贊唱保長繳上彰善

牌 鳴鐘三聲 鳴鼓三聲 地方請糾惡牌

西約史料惡西約史宣日 本約為不善者或

有其人但此約既行必能自改今姑免糾許其

自新約贊唱地方繳上糾惡牌 鳴鐘一聲

鳴鼓一聲 約史申戒宣日凡我同約之人

俱要聽戒人就無善亦孰無惡為善雖人不知

積久善多自不可掩為惡雖人不知積久惡盡

宏春縣志 卷之十一 學校

自不可赦今有善可彰固可喜若從此自怠將

日流於惡矣有惡可糾固可媿若從此自改將

日進於善矣凡我同約眾姓人等嗣後各宜自

修自省同趨於善戒畢共免之約贊唱拜

行三叩禮 興 正身 分班 對揖 禮畢

散班

萬

鐘

歲

牌

鼓

六

諭

牌

香

案

彰善牌

天地牌

碑

紀綱牌

糾惡牌

案

加

量

海

寶

約正
約講
木鐸
長童

約
約
木
地
歌

康熙九年十月初九日奉

上諭諭禮部朕惟至治之世不專以法令爲務而以教化爲先其時人心醇良風俗朴厚刑措不用比屋可封長治久安茂登上理蓋法令禁于一時而教化維于可久若徒恃法令而教化不先是舍本而務末也近見風俗日敝人心不古囂陵成習僭濫多端狙詐之術日工獄訟之興靡已或豪富凌轢孤寒或劣紳武斷鄉曲或惡衿出入衙署或蠹棍詐害良善萑苻之劫掠時聞

宜春縣志

卷之十一 上諭

五十六

讐忿之殺傷叠見陷罹法網刑所必加誅之則無知可憫宥之則憲典難寬念茲刑辟之日繁良由化導之未善朕今欲法古帝王尚德緩刑化民成俗舉凡敦孝弟以重人倫篤宗族以昭雍睦和鄉黨以息爭訟重農桑以足衣食尚節儉以惜財用隆學校以端士習黜異端以崇正學講法令以儆愚頑明禮讓以厚風俗務本業以定民志訓子弟以禁非爲息誣告以全良善誠窩逃以免株連完錢糧以省催科聯保甲以

弭盜賊解讐忿以重身命等項作何訓迪勸導
及作何責成內外文武該管各官督率舉行爾
部詳察典制定議具奏特諭欽此欽遵禮部議
得

皇上欲圖至治以教化爲先特頒

上諭應通行曉諭八旗包衣佐領並直隸各省督撫
轉行府州縣鄉村人等切實遵行務使軍民咸
知

皇上尚德緩刑之至意教化行而風俗自美矣俟

宜春縣志

卷之十一上諭

五十七

命下之日遵行可也本年十一月二十六日奉
旨依議通行曉諭欽此欽遵

上諭十六條

第一條敦孝弟以重人倫

第二條篤宗族以昭雍睦

第三條和鄉黨以息爭訟

第四條重農桑以足食

第五條尚節儉以惜財用

第六條隆學校以端士習

- 第七條黜異端以崇正學
第八條講法律以儆愚頑
第九條明禮讓以厚風俗
第十條務本業以定民志
第十一條訓子弟以禁非爲
第十二條息誣告以全良善
第十三條誠窩逃以免株連
第十四條完錢糧以省催科
第十五條聯保甲以弭盜賊
第十六條解警忿以重身命

御製訓飭士子文

國家建立學校原以興行教化作育人材典至渥也朕臨馭以來隆重師儒加意庠序近復慎簡學使釐剔蔽端務期風教修明賢才蔚起庶幾樸棧作人之意乃比來士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長

列宮墻朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考義勿雜荒經之談取友親師悉化憍盈之氣文章歸於醇雅毋事浮華執度式於規繩最防蕩軌子矜佻達自昔所譏苟行止有虧雖讀書何益若夫宅心弗淑行已多愆或蜚語流言脇制官長或隱糧包訟出入公門或唆撥姦猾欺孤凌弱或招呼朋類結社要盟乃如之人名教不畧鄉黨弗齒縱倖脫撻扑濫竊章縫返之於哀

能無媿乎况乎鄉會科名乃檢才大典關係尤
鉅士子果有真才實學何慮困不逢年顧乃標
榜虛名暗通聲氣夤緣詭遇罔顧身家又或改
竄鄉貫希圖進取囂凌騰沸網利營私種種弊
端淡可痛恨且夫士子出身之始尤貴以正若
茲厥初拜獻便已作姦犯科則異時敗檢踰闕
何所不至又安望其秉公持正爲

國家宣猷樹績膺後先疏附之選哉朕用嘉惠爾
等故不禁反復惓惓茲訓言頒到爾等務共體

朕心恪遵明訓一切痛加改省爭自濯磨積行
勤學以圖上進

國家三年登造束帛弓旌不特爾身有榮卽爾祖
父亦增光寵矣逢時得志寧俟他求哉若仍視
爲具文玩愒勿傲毀方躍冶暴棄自甘則是爾
等冥頑無知終不能率教也既負栽培復干咎
戾王章具在朕不能爲爾等寬矣自茲以往內
而國學外而直省鄉校元學臣師長皆有司鐸
之責者並宜傳集諸生多方董勸以副朕懷否

則職業弗修咎亦難遣勿謂朕言之不預也爾
多士尚敬聽之哉

康熙四十一年正月

日

宜

卷之十一上論

六十一